

四庫全書

集部

欽定四庫全書

東雅堂昌黎集註卷三十二

碑誌

司徒兼侍中中書令贈太尉許國公神道碑銘

韓弘新史有傳多取碑詞傳間有誤處當以碑為正蓋淮西之役弘為行營都統公為行軍司馬其知弘非一日也

韓姬姓以國氏

國下或有為字今按以國氏春秋傳語唐韻云韓姓出自唐叔虞之後曲沃

桓叔之子萬食邑於韓因以為氏

其先有自潁川徙陽夏者

夏其地音假

於今為陳之太康

秦滅韓以其地為潁川郡陽夏隋改為太康

太康之韓

新舊

史皆言弘滑州匡城人

其稱蓋久然自公始大著公諱弘公之父

曰海為人魁偉沈塞以武勇游仕許汴之間寡言自可

不與人交衆推以為鉅人長者

交或作校以上文自可言之作不與人交為是

今以下文長者言之又似作不與人校為是更詳之鉅上或無為字或無以鉅人三字而為上有之字或併無

以為鉅人四字官至游擊將軍贈太師娶鄉邑劉氏女生公是

為齊國太夫人夫人之兄曰司徒玄佐

複出夫人字或作齊國

有

功建中貞元之間

功下或有於字

為宣武軍帥有汴宋毫潁四

州之地兵士十萬人公少依舅氏讀書習騎射事親孝

謹倨倨自將

倨倨或作侃字侃與倨同

不縱為子弟華靡遨放事

縱或

作出入敬恭軍中皆目之嘗一抵京師就明經試退曰

此不足發名成業復去從舅氏學將兵數百人

兵下或有將字

悉識其材鄙怯勇指付必堪其事司徒歎奇之士卒屬

心

欲切屬之

諸老將皆自以為不及

或無皆字

司徒卒

貞元八年二月

去為宋南城將

玄佐卒年四月以其子士寧代為使九年十二月軍亂逃士寧以副

使李萬榮為使弘

比六七歲汴軍連亂不定貞元十五

年劉逸淮死

九月劉卒

軍中皆曰此軍司徒所樹必擇其骨

肉為士卒所慕賴者付之

肉下或有而字

今見在人莫如韓甥

且其功最大而材又俊即柄授之而請命於天子天子

以為然遂自大理評事拜工部尚書代逸淮為宣武軍

節度使

弘事逸淮為都知兵馬使逸淮死汴軍懷立佐之惠以弘長厚共請為留後環監軍請表其事

朝廷許之自試大理評事檢校工部尚書充宣武軍節度副大使知節度事

悉有其舅司徒

之兵與地

其舅或作舅氏

當此時陳許帥曲環死而吳少誠反

或無而字

自將圍許求援於逸淮啗之以陳歸汴使數輩在

館公悉驅出斬之選卒三千人會諸軍擊少誠許下少

誠失勢以走河南無事公曰自吾舅歿五亂於汴者吾

苗薈而髮櫛之幾盡

苗薈而髮櫛之淮南子語薈呼豪切

然不一擗刈

不足令震駭

不下或無一字賦或作駭

命劉錡以其卒三百人待命

于門數之以數與於亂

上數上聲下數入聲與音預

自以為功并斬

之以徇血流波道自是訖公之朝京師廿有一年莫敢

有譴呶呶于城郭者

譴音歡呶尼交切

李師古作言起事

作或

詐作屯兵于曹以嚇滑師且告假道公使謂曰汝能越吾

界而為盜邪

盜上或無為字

有以相待無為空言滑師告急

或師

作帥前滑帥字疑亦當作師急或作及

公使謂曰吾在此公無恐

無上或有安字

或告曰翦棘夷道兵且至矣請備之公曰兵來不除道

也不為應

為下或有之字

師古詐窮變索遷延旋軍少誠以牛

皮鞵材遺師古師古以鹽資少誠潛過公界覺皆留輸

之庫曰此於法不得以私相餽田弘正之開魏博

元和七年

十月以田弘正為魏博節度使

李師道使來告曰

元和元年閏六月東平帥李師古卒其弟

師道

我代與田氏約相保援今弘正非其族

非其或作其非非是

又首變兩河事亦公之所惡我將以成德合軍討之敢

告公謂其使曰我不知利害知奉詔行事耳若兵北過

河我即東兵以取曹

兵以或作以兵非是

師道懼不敢動弘正以

濟誅吳元濟也命公都統諸軍

元和十年九月以弘充淮西行營都統使曰

無自行以遏北寇公請使子公武以兵萬三千人會討

蔡下歸財與糧以濟諸軍卒擒蔡姦

三千淮西碑作二千

於是

公為侍中而以公武為鄜坊丹延節度使

元和十二年十一月錄平

淮西功加弘檢校司徒兼侍中封許國公
罷都統公武檢校左散騎常侍充節度使
師道之誅公

以兵東下進圍考城克之遂進迫曹曹寇乞降鄆部既平公曰吾無事於此其朝京師天子曰大臣不可以暑行其秋之待公曰君為仁臣為恭可矣遂行既至獻馬

三千匹絹五十萬匹

五十或作七十

他錦紈綺纈又三萬金銀

器千而汴之庫廩錢以貫數者尚餘百萬絹亦合百餘

萬匹馬七千糧三百萬斛兵械多至不可數初公有汴

初公下或有之字

承五亂之後掠賞之餘且飲且給恒無宿儲

無上或有恒字

至是公私充塞至於露積不垣冊拜司徒燕中

書令

弘三上章堅辭戎務願留京師奉朝請八月守司徒兼中書令

進見上殿拜跪給

扶贊元經體

元下或有老字非是

不治細微天子敬之元和十五

年今天子即位公為冢宰

元和十五年正月擢宗即位以弘攝冢宰

又除河

中節度使

元和十五年六月以本官為河中尹河中晉絳節度觀察等使

在鎮三年以

疾乞歸復拜司徒中書令

長慶三年請罷戎鎮三表從之十月依前守司徒兼中書

令病不能朝以長慶二年十二月三日薨於永崇里第

年五十八天子為之罷朝三日

年五十八或作年八十考新舊史定从今本或

無天子為之四字

贈太尉賜布粟

或作布帛按舊史實賜其葬米千石賜下或有之字

物有司官給之京兆尹監護明年七月某日葬于萬年
縣少陵原京城東南三十里楚國夫人翟氏祔子男二
人長曰肅元某官次曰公武某官肅元早死或作公之

將薨公武暴病先卒公哀傷之月餘遂薨無子以公武

子孫紹宗為主後汴之南則蔡北則鄆二寇患公居間

為已不利卑身佞辭卑或求與公好薦女請昏使日月

至既不可得則飛謀釣誘以間染我公先事候情至既

既至非是不可下或無得字釣或作釣染或壞其機牙
作謀先事候情或作先得事情候或作後

姦不得發王誅以成最功定次孰與高下公子公武與

公一時俱授弓鉞處藩為將疆土相望公武以母憂去

鎮公母弟充自金吾代將渭北

元和十二年十一月以公武為渭北鄜坊節度

使十四年十一月以母憂去官十五年正月以弘弟充代公武鎮渭北

公以司徒中書令

治蒲于時弟充自鄭滑節度平宣武之亂以司空居汴

長慶二年七月汴州遼節度李愿立牙將李芥為留後充自義成節度徙鎮宣武八月汴州監軍靳芥降充入

汴州詔加充檢校司空

自唐以來莫與為比公之為治嚴不為煩

止除害本不多教條與人必信吏得其職賦入無所漏

失人安樂之在所以富公與人有畛域

畛或作畛非是

不為戲

狎人得一笑語重於金帛之賜其罪殺人不發聲色問

法何如不自為輕重

或無自為字非是

故無敢犯者其銘曰

在貞元世汴兵五獬

居例切狂犬也

將得其人衆乃一愒

愒息也與

憩同詩不尚愒焉愒丘例切

其人為誰韓姓許公磔其梟狼

磔格切

養以雨風桑穀奮張厥壤大豐貞元元孫

貞元皇帝之孫憲宗

命

正我宇公為臣宗處得地所河流兩壩

壩江河邊地前漢坐侵廟壩為

宮壩而緣切

盜連為群雄唱雌和首尾一身公居其間為帝

督姦察其嘖呻與其睨眴

淮南子視焉無眴邪視也 睨音詣眴音荀

左顧

失視右顧而跽

巨凡切

蔡先鄆鉏三年而墟槁乾四呼終

莫敢濡常山幽都

常山成德軍幽都幽州也

孰陪孰扶

陪或作悖或作倚

天

施不留其討不逋許公預焉其賚何如

賚或作賴

悠悠四方

既廣既長無有外事朝廷之治許公來朝車馬干戈相

乎將乎威儀之多將則是矣相則三公釋師十萬歸居

廟堂上之宅憂

上謂穆宗

公讓太宰養安蒲坂

元和十五年六月出鎮河

中萬邦絕等有弟有子提兵守藩一時三侯人莫敢扳

春秋傳扳引而立生莫與榮歿莫與令刻文此碑以鴻

厥慶

柳子厚墓誌銘

此誌作於袁州公之誌子厚詳矣其祭文推許尤厚劉夢得序

子厚集曰子厚之喪昌黎韓退之誌其墓且以書來弔曰哀哉若人之不淑吾嘗評其文雄深雅健似司馬子長崔蔡不足多也安定皇甫湜於文章少推許亦以退之之言為然

子厚諱宗元七世祖慶為拓跋魏侍中

或無拓跋二字封濟陰

公為慶字更興河東解人仕周宜州刺史封平齊縣公

曾伯祖奭為唐宰相與褚

遂良韓瑗俱得罪武后死高宗朝

高或作中朝或作時

皇考諱鎮

以事母棄太常博士求為縣令江南其後以不能媚權

貴失御史

肅宗平賊鎮上書言事權左衛率府兵曹佐郭子儀朔方府三建殿中侍御史以事觸寶

參貶夢

權貴人死乃復拜侍御史號為剛直所與游皆

州司馬

當世名人

游上或無與字

子厚少精敏無不通達逮其父時雖

少年已自成人能取進士第嶄然見頭角

嶄士咸切又士減切

眾謂柳氏有子矣其後以博學宏詞授集賢殿正字

或作

校校書郎柳集可考或本非是此下或有蓋

田尉三字

今按三字下文已見不當重出

僞傑廉悍

議論證據今古

或作古今

出入經史百子踔厲風發

踔角切初

率常屈其座人名聲大振一時皆慕與之交諸公要人爭欲令出我門下交口薦譽之貞元十九年由藍田尉拜監察御史順宗即位拜禮部員外郎遇用事者得罪

例出為刺史

或作貞元十九年拜監察御史王叔文韋執誼用事拜尚書禮部員外郎且將大用

遇叔文等敗例出為御史今按方本得婉微之體它

本則幾乎罵矣疑初本直書後乃更定也若从初本則上文須補藍

田尉三字

未至又例貶州司馬

州上或有永字永貞元年八月憲宗即位

貶叔文渝州司戶參軍九月宗元與同輩七人皆坐王叔文黨同貶宗元邵州刺史十一月道貶永州司馬

居閑益自刻苦務記覽為詞章汎濫停蓄為深博無涯

涖而自肆於山水間

水下或
有之字

元和中嘗例召至京師又

偕出為刺史而子厚得柳州

元和十年三月以永州司
馬柳宗元為柳州刺史

既至歎曰是豈不足為政邪因其土俗為設教禁州人

順賴其俗以男女質錢約不時贖子本相侔則沒為奴

婢子厚與設方計悉令贖歸其尤貧力不能者令書其

傭足相當則使歸其質觀察使下其法於他州比一歲

免而歸者且千人衡湘以南為進士者皆以子厚為師

其經承子厚口講指畫為文詞者悉有法度可觀

東坡
至廣

州寄二子詩云莫學柳儀
曹詩書教蠻獠事本於此

其召至京師而復為刺史也

中山劉夢得禹錫亦在遣中當詣播州子厚泣曰播州
非人所居而夢得親在堂吾不忍夢得之窮無辭以白
其大人且萬無母子俱往理請於朝將拜疏願以柳易
播雖重得罪死不恨遇有以夢得事白上者夢得於是
改刺連州
白上或作上白
改下或無刺字 嗚呼士窮乃見節義今夫平
居里巷相慕悅酒食游戲相徵逐詡詡強笑語以相取
下握手出肺肝相示指天日涕泣誓生死不相背負真

若可信一旦臨小利害僅如毛髮比反眼若不相識落

陷穽不一引手救反擠之

救下或有而字

又下石焉者皆是也

此宜禽獸無知所不忍為而其人自視以為得計聞子

厚之風亦可以少媿矣

少上或有以字

子厚前時少年勇於為人

不自貴重顧藉謂功業可立就故生廢退既退又無相

知有氣力得位者推挽故卒死於窮裔

死或作厄

材不為世

用道不行於時也

道上或有而字

使子厚在臺省時自持其身

已能如司馬刺史時亦自不斥斥時有人力能舉之且

必復用不窮

時有或作而有能或作解或能下復出解字皆非是

然子厚斥不久

窮不極雖有出於人其文學辭章必不能自力以致必

傳於後如今無疑也

力以或作以力或作以力而無致必二字皆非是

雖使子

厚得所願為將相於一時以彼易此孰得孰失必有能

辨之者子厚以元和十四年十一月八日卒年四十七

以十五年七月十日歸葬萬年先人墓側

十一月八日或作十月五

日七月上或有秋字或無十日字

子厚有子男二人長曰周六始四歲

季曰周七子厚卒乃生

咸通四年右常侍蕭倣知舉試謀先賦澄心如水詩中第者二

十五人柳告第三人韓綰第八人告

即子厚之子字用益綰即退之之孫

女子二人皆幼其

得歸葬也費皆出觀察使河東裴君行立

費或作資

行立有

節槩立然諾

下立字或作重

與子厚結交子厚亦為之盡竟賴

其力葬子厚於萬年之墓者舅弟盧遵遵涿人

涿或作可或作

為

性謹慎學問不厭自子厚之斥遵從而家焉

或無焉字

逮

其死不去既往葬子厚又將經紀其家庶幾有始終者

銘曰

是惟子厚之室既固既安以利其嗣人

下既字或作且

唐故昭武校尉守左金吾衛將軍李公墓誌銘

李道古曹成王阜之子公嘗銘曹成王碑
新史附阜傳後而載荐柳賁事少加詳焉

公諱道古字某曹成王子

成王三子象
古道古復古

其先王明以太

宗子王曹絕輒復封五世而至成王成王諱準

王諱上
或無成

字非
是

有功建中貞元間以多才能能行賞誅為名至今

追數當時内外文武大臣成王必在其間

或無成王字
數所矩切

公以進士舉及第

貞元五
年登第

獻文興三十卷拜校書郎集

賢學士四遷至宗正丞憲宗即位選擢宗室遷尚書司

門員外郎以選為利隨唐睦州刺史遷少宗正元和九

年以御史中丞持節鎮黔中

貞元八年十月自宗正少卿出為黔中觀察使

十

一年來朝遷鎮鄂州

貞元十一年鄂岳觀察使柳公綽為飛躍上聞會道古自黔中來朝

即以為鄂岳汚斬安黃團練觀察使代公綽

以鄂岳道兵會平淮西以功加

御史大夫十三年徵拜宗正轉左金吾上即位以先朝

時嘗信妄人柳泌能燒水銀為不死藥薦之

泌或作賁經云新舊史李

干墓志石本皆作泌

泌以故起閭閻祇為刺史不效貶循州司馬

其年九月三日

月下或有十字

以疾卒于貶所年五十三長慶

元年詔曰左降而死者還其官以葬遂以其年某月日

葬于東都某縣

其年或作某年月上無某字

公三娶元配韋氏諱脩

脩生子紘

脩或並作循

紘為進士學

或作舉

女貢嫁崔氏夫人

隋雍州牧鄭公

鄭音云

叔裕五世孫

叔裕字孝寬京兆杜陵人周大象二年十

一月卒贈

父士佺

且緣切

蓬山令次配崔氏諱葑

白芷其葉謂之

雍州牧

葑葑乙角切又音約

生綽紹綰女會嫁鄭氏季毗夫人父昭嘗

為京兆尹

大歷三年五月昭目左散騎常侍為尹

今夫人韋氏無子父光

憲光祿卿其葬用古今禮以元配韋氏夫人祔而葬次

配崔氏夫人於其域異墓

或無用古今禮至而葬十四字非是

公宗室子

生而貴富

或無生字非是

能學問以中科取名善自傾下以交

豪傑身死賣宅以葬銘曰

太支於今其尚有封

太或作本非是太謂太宗也尚或作上

當公弟兄

或作

兄弟

未續又亡其遷于南年及始衰誰默不復

誰或作雖

而以

喪歸海豐彌彌萬里于畿載其始終以哀表之

唐故朝散大夫尚書庫部郎中鄭君墓誌銘

在公

江陵與鄭羣同官詩有鄭羣贈筆即其人是銘之

君諱羣

君或作公

字弘之世為滎陽人其祖於元魏時有假

封襄城公者

鄭偉字子直西魏大統中封襄城郡公

子孫因稱以自別

此下

或有君其後也四字今按下文有君其季也此有則不應重出

曾祖匡時晉州霍邑

令祖千尋彭州九隴丞父廸鄂州唐年令娶河南獨孤

氏女生二子君其季也以進士選

以上或有君字

吏部考功所

試判為上等授正字自鄆縣尉拜監察御史佐鄂岳使

鄆縣屬

裴均之為江陵

貞元十九年五月均自荆南行軍司馬為本軍節度使均字君

京兆府

齊河東

以殿中侍御史佐其軍均之徵也

之徵或作戶徵非是元和

開喜人

三年四月召均
為尚書左僕射

遷虞部員外郎均鎮襄陽

九月均同
平章事為山

南東道
薛度使

復以君為襄府左司馬刑部員外郎副其支度

使事均卒李夷簡代之

元和六年四月以夷簡
代均鎮襄陽五月均卒

因以故

職留君歲餘拜復州刺史遷祠部郎中

遷上或有
方字非是

會衡

州無刺史方選人君願行

或無會字或無方字
君願行作行願者

宰相即

以君應詔治衢五年復入為庫部郎中行及揚州遇疾

居月餘

或無
居字

以長慶元年八月二十四日卒春秋六十

即以其年十一月二十二日從葬於鄭州廣武原先人

之墓次君天性和樂居家事人與待交遊初持一心未

嘗變節有所緩急曲直薄厚踈數也

音朔數

不為翕翕熱

亦不為崖岸斬絕之行

熱或作然斬或作薪

俸祿入門與其所過

逢吹笙彈箏飲酒舞歌談調醉呼連日夜不厭費盡不

復顧問

或無此上六字

或分挈以去一無所愛惜不為後日毫

髮計留也遇其空無時客至清坐相看或竟日不能設

食

看或作對看下或無或字

客主各自引退亦不為辭謝與之遊者

自少及老未嘗見其言色有若憂歎者豈列禦寇莊周

等所謂近於道者邪其治官守身又極謹慎不挂於過

差去官而人民思之身死而親故無所怨議哭之皆哀

又可尚也初娶吏部侍郎京兆韋肇女

肇京兆人大厯中為中書舍人

累上疏言得失為元載所惡左遷

京兆少尹載卒除吏部侍郎卒

生二女一男長女嫁

京兆韋詞次嫁蘭陵蕭儼

詞或作嗣宗儼或作讚

後娶河南少尹

趙郡李則女生一女二男其餘男二人女四人

四或作一皆

幼嗣子退思韋氏生也銘曰

再鳴以文進塗闢

再鳴謂進士及書判拔萃也

佐三府治藹厥蹟

三府

謂郭岳江

陵裏府

郎官郡守愈著白

官或作中

洞然渾璞絕瑕謫

或撰

璞作

甲子一終反宅

唐故朝散大夫越州刺史薛公墓誌銘

薛戎元稹為神

道碑而公誌其墓公嘗為河南與薛為代故誌及之

公諱戎字元夫

河中寶鼎人

其上祖懿為晉安西將軍寶始

居河東公之四世祖嗣汾陰公諱德儒

汾陰河中縣也後名寶鼎

為

隋襄城郡書佐以卒

隋上或無為字

襄城有子二人皆貴

二人寶積

寶其後皆蕃以大而其季尤盛官至邠州刺史邠州諱

寶胤有子九人

續純陶館繪

皆有名位其最季諱縑為

河南令以卒

縑或作諱世系表作縑

河南有子四人其長諱同卒

官湖州長史贈刑部尚書尚書娶吳郡陸景融女有子

五人

人丹戎放朗

皆有名蹟其達者四人

人溫州刺史丹廬州刺史戎浙東觀

察使放江西觀察使

公於倫次為中子仁孝慈愛忠厚而好學不

應徵舉沈浮間巷間不以事自累為貴

戎少有學術不求聞達居於毗

陵之陽美山年四

常州刺史李衡遷江西觀察使曰

使下

十餘不易其操

或有日字無曰字

州客至多莫賢元夫吾得與之俱足矣即署

公府中職公不辭讓

李衡為常州刺史能以禮下戎貞元八年二月衡自湖南移鎮江西

辟為從事使者三返乃應

年四十餘始脫褐衣為吏衡遷給事中齊

映自桂州以故相代衡為江西公因留佐映治

貞元八年六月

以桂管觀察使故相齊映代衡鎮江西召衡為給事中映重戎留之桂或作睦考傳當作桂治或作始屬下文

非是映卒

貞元十一年七月映卒戎復歸陽羨

湖南使李巽福建使柳冕交

表奏公自佐詔以公與冕

貞元十一年三月以柳冕為福建觀察使表戎為判官

在冕府累遷殿中侍御史冕使公攝泉州冕文書所條

下有不可者公輒正之冕惡其異於已懷之未發也過

馬摠以鄭滑府佐忤中貴人貶為泉州別駕晃意欲除

摠附上意為事使公按置其罪公歎曰公乃以是待我

我始不願仕者正為此耳不許晃遂大怒囚公於浮圖

寺而致摠獄事聞遠近值晃亦病且死不得已俱釋之

晃死後使至奏公自副

晃卒閻濟美代晃使福建奏戎為團練副使

又副使

事於浙東府

濟美使浙東戎又副之

轉侍御史元和四年徵拜尚

書刑部員外郎

給事中穆質有直氣愛戎稱於朝因拜刑部員外郎

遷河南令歷

衢湖常三州刺史所至以廉貞寬大為稱朝廷嘉之某

年拜越州刺史兼御史中丞浙東觀察使

某年或作元和十二年正

月二十二日方云前已云元和四年此不當復出年號
完銘亦無書除授月日者或本非是史下方無兼字

至則悉除去煩弊儉出薄入以致和富部刺史得自為

治無所牽制四境之內竟歲無一事公篤於恩義盡用

其祿以周親舊之急有餘頒施之內外親無踈遠皆家

歸之疾病去官長慶元年九月庚申至於蘇州以卒春

秋七十五

卒上或有病字

奏至

或無此二字

天子為之罷朝贈左散

騎常侍使臨弔祭之士大夫多相弔者

大夫或作人

以其年

十一月庚申葬于河南偃師先人之兆次以韋氏夫人

祔

其或作明

公凡再娶先夫人京兆韋氏後夫人趙郡李氏

皆先卒子男二人曰沂

或作沂世系表作沂

曰洽長生九歲而幼

七歲矣女四人皆已嫁愈既與公諸昆弟善又嘗代公

令河南

公嘗令河南與薛為代

公之葬也故公弟集賢殿學士尚

書刑部侍郎放屬余以銘

故字疑當在上文公之字上刑或作兵

其文曰

薛氏近世莫盛公門公倫五人咸有顯聞公之初志不

以事累

或作不累以事

僂俛以隨亦貴於位無怨無惡中以自

寶

或作中人以自此文四句一韻古音寶與壽叶寶或作貴或作實

不能百年曷足謂

壽公宜有後有二稚子其祐成之公食廟祀

東雅堂昌黎集註卷三十二

欽定四庫全書

東雅堂昌黎集註卷三十三

碑誌

楚國夫人墓誌銘

夫人許國公韓弘妻也夫人之葬以長慶二年三月時公

武尚執喪不變許國以是年十二月薨則公武已死矣許國之誌詳焉

楚國夫人姓翟氏故檢校御史大夫宋州刺史良佐之

女今司徒兼中書令許國公之妻

或無今字

前廊坊節度使

散騎常侍兼御史大夫公武之母

坊或作州非是廊音孚

夫人在

家以孝友聰明為父母所偏愛選所宜歸以適韓氏韓

氏族大且貴又太尉劉公甥

劉玄佐之甥又或作父內非是公下或有之字

外尊顯夫人入門上下莫不贊賀

或作美

事皇姑齊國太

夫人

太夫人弘母劉氏也玄佐之妹

肅恭誠至奉養不怠皇姑以夫人

能盡婦道稱之六親

能上或有為字

其事夫義以順其教子愛

以公司徒公曰我之能守貴富不危溢者楚國有助焉

耳大夫領梁偏師卒就蔡功受節居藩為邦家令人父

母之教然也夫人以元和十四年十一月一日薨于廊

之公府春秋若干大夫委節去位奉喪以居東都詔起

之起上或

有再字辭以羸毀不任即命又加喻勉固不變

固下有

守天子嗟嘆之長慶二年三月某日葬夫人于洛陽北

山夫人生二子長曰肅元為太子司議郎以卒贈尚書

主客郎中其次大夫公武也銘曰

翟氏之先蓋出宗周

元和姓纂云翟黃帝之後代居翟地後為晉所滅

璜顯於

魏

翟璜佐魏文侯

以佐文侯高陵相漢

漢成帝時翟方進封高陵侯

義以家

酬

翟義也

遷于南陽始自郎苗逮魏晉宋代不絕史以至

夫人太守之子司徒之妻大夫之母公居河東

公或作父非是

子在廊時

史記秦文公夢黃蛇自天下屬地其口止於廊行於是作廊時祭白帝令之廊州蓋取名

於此為王屏翰有壤千里公曰姑止以承我祀子曰母兮

莫我撫已

莫我或作莫慰

文駟雕軒往來有焯莫尊於母莫榮

於妻從古迄今孰盛與夷用昭厥裔此銘詩

唐故國子司業竇公墓誌銘

公嘗有送竇平從事序謂其族人殿

中侍御史年合東都之交遊能文者賦詩以贈之必此司業公也序稱殿中侍御史而誌

不載若可疑焉考誌載其兩佐東都留守則序所謂合東都之交遊即司業明矣

國子司業竇公諱年字某

京兆金城人
或作字貽周

六代祖敬遠嘗

封西河公大父同昌司馬比四代仍襲爵名

代或作世

同昌

諱胤生皇考諱叔向官至左拾遺漂水令贈工部尚書

尚書於大厯初名能為詩文及公為文亦最長於詩孝

謹厚重舉進士登第

孝謹厚重又作孝愛
謹厚貞元三年進士

佐六府五公

八遷至檢校虞部郎中

或無虞部字

元和五年真拜尚書虞

部郎中轉洛陽令都官郎中澤州刺史以至司業年七

十四

年生於天寶八年

長慶二年二月丙寅以疾卒其年八月

某日葬河南偃師先公尚書之兆次初公善事繼母家

居未出學問於江東尚幼也名聲詞章行于京師人遲

其至

避音穉義見一卷岐山下詩

及公就進士且試其輩皆曰莫先

竇生于時公舅袁高為給事中

高字公順滄州東光人貞元初為給事中方

有重名愛且賢公然竇未嘗以干有司

嘗下或有字

公一舉

成名而東遇其黨必曰非我之才維吾舅之私其佐昭

義軍也遇其將死

貞元二十年六月昭義軍節度使李長榮卒

公權代領以

定其危後將盧從史

貞元二十年八月以昭義兵馬使盧從史為節度使

重公不

遣奏進官職公視從史益驕不遜偽疾經年輦歸東都

輦昇車也呂氏春秋下輦命封夏后之後於杞前漢皇后輦駕輦音預從史卒敗死元和五年

六月從史為其都知兵馬使烏重公不以覺微避去為

賢告人公始佐崔大夫縱留守東都貞元二年九月以吏部侍郎崔縱為

東都留守奏後佐留守司徒餘慶元和五年六月以河南尹鄭餘慶為東都

留守奏年歷六府五公年初為東都留守巡官歷河文

為府判官武細纒不同自始及終於公無所悔望有彼此言者或無

者六府從事幾且百人有愿姦易險賢不肖不同公一

接以和與信卒莫與公有怨嫌者其為郎官令守

令守疑當

作守令謂守法令也

慎法寬惠不刻教誨於國學也嚴以有禮扶

善遏過

過或作蓋過或作惡漢路溫舒傳遏過者謂之妖言

益明上下之分

或無益字

以躬先之恂恂愷悌得師之道公一兄三弟常羣摩輦

常進士

常字中行大歷十四年進士

水部員外郎朗夔江撫四州刺

史羣以處士徵

羣字丹列以處士隱居毗陵貞元十六年十月吏部侍郎韋夏卿為京兆尹薦

羣徵拜左拾遺

自吏部郎中拜御史中丞

元和二年正月以武元衡同平章事舉羣

代已為御史中丞

出帥黔容以卒

元和三年十月貶黔中觀察使八年四月遣容管經略使

九年召還
至衡州卒
庠三佐大府
庠字胄卿貞元二十一年五月韓率出鎮武昌秦庠為推官元

和三年二月率移鎮浙西以
庠為副使又為宣歙副使
自奉先令為登州刺史
鞏

亦進士

鞏字友封元和二年登第

以御史佐淄青府

元和十四年三月以薛平為平

盧淄青節度皆有材名公子三人長曰周餘好善學文
使表鞏自副

或作好學善文
或作好古善文
能謹謹致孝述父之志曲而不黷次曰

某

下或有少字

曰某皆以進士貢女子三人愈少公十九歲

公大歷三年生至是年五十五
故云少公十九歲少或作以非
以童子得見於今四十

年始以師視公而終以兄事焉公待我一以朋友不以

幼壯先後致異公可謂篤厚文行君子矣其銘曰

后緡竇逃閔腹子夏以再家竇為氏

昔有過澆滅夏后相后緡万姬逃歸

自竇生少康少康二子曰杼曰龍龍居有仍遂為竇氏

聖愕旋河犢引比

史記云孔子不

得用於衛將西見趙簡子至于河聞竇鳴犢舜華之相死臨河而歎曰美哉水洋洋乎邳之不濟此命也夫相

嬰撥漢納孔軌

撥或作發竇太后從兄子嬰相武帝武

言此云撥漢納孔軌蓋謂撥漢家黃老之習而納之孔子之道

後去觀津而家平陵

而或

作西觀音貫遙遙厥緒夫子是承

何昌寓為吏郎有姓閔者求官自曰子騫後昌寓笑

曰遙遙華胄我敬其人我懷其德作詩孔哀質于幽刻

唐正議大夫尚書左丞孔公墓誌銘

孔戣新舊史皆有傳

孔子之後三十八世有孫曰戣字君嚴

孔子後三十五世曰務本務本

子如珪如珪子岑父岑父五子戣戣戣戣戣

事唐為尚書左丞

長慶二年以戣為尚書左

丞年七十三上書去官

上上或無三字

天子以為禮部尚書

祿之終身而不敢煩以政

長慶三年戣累表請老詔戣以禮部尚書致仕優詔褒美

如漢徵士故事

吏部侍郎韓愈常賢其能

或無韓字

謂曰公尚壯上

三留奚去之果

留下或有公字

曰吾敢要君吾年至一宜去吾

為左丞不能進退郎官唯相之為二宜去

方从抗本無字云洪引

龔勝邴漢俱乞骸骨答詔古者有司年至則致事今大夫年至矣恐未必然今按洪所引漢事文理甚明方以欲从杭本之故遂以為未必然而不取殊不可曉今正之一本乙君吾二字語尤健但如此則君下却少一吾字不敢輒補耳又

愈又曰古之老於鄉者將自佚非自

郎官或作郎中

苦閭井田宅具在親戚之不仕與倦而歸者不在東阡在北陌可杖屨來往也今異於是公誰與居且公雖貴

而無留資何恃而歸曰吾負二宜去尚奚顧子言愈面

歎曰公於是乎賢遠於人

於是或作是於鳥或無韻字皆非是

明日

奏疏曰臣與孔戣同在南省數與相見

相上或有孔戣字

今按上下

文孔戡字多此不
宜有數音朔

戡為人守節清苦論議正平

或作平正平或

直作

年纔七十筋力耳目未覺衰老憂國忘家用意至到

如戡輩在朝不過三數人陛下不宜苟順其求不留自

助也不報明年長慶四年正月己未公年七十四告薨

於家贈兵部尚書公始以進士

建中元年戡第進士

佐三府官至

殿中侍御史元和元年以大理正徵累遷江州刺史諫

議大夫事有害於正者無所不言加皇太子侍讀改給

事中言京兆尹阿縱罪人詔奪京兆尹三月之俸

三上或無

尹字戡為給事中江西觀察使李少和坐贓獄寢不下博陵崔易簡殺從父兄鞠狀具京兆尹左右三翻其情

戡慷慨正論貶少和權知尚書右丞明年拜右丞或作殺易簡奪尹三月俸

丞或兩皆作左戡元和中未嘗為左丞蓋權知右丞事踰年而正除右丞長慶二年還自廣州乃為左丞耳新

舊史戡傳皆誤南海碑石本可攷也而山谷本於為尚書左丞之上以蜀本增一復字蓋於元和兩次除授皆

已誤作左丞故又誤謂長慶為再除改華州刺史明州也陳齊之又去拜右丞三字皆非

歲貢海蟲淡菜蛤蚶可食之屬自海抵京師道路水陸

通夫積功歲為四十三萬六千人奏疏罷之改華州刺史或在罷

貢海物之下華州乃輸貢之途此疏專為下邳令管外逆夫而言也新史亦可攷或無可食二字

按小兒

出外按或作按外近畿習衍謂之外按使領徒數百恃恩恣橫

今按唐會要每歲冬以鷹犬

郡邑煩擾元和九年裴襄為下邳令疾其擾人但據文供饋使者歸乃諧襄有慢言上大怒宰相武元衡中丞

裴度懇救甚切即此事也小兒事見順宗實錄

繫御史獄公上疏理之詔釋下

邾令而以華州刺史為大理卿

音圭邾

十二年自國子祭

酒拜御史大夫嶺南節度等使

元和十二年七月嶺南節度使崔詠卒帝謂裴

度曰嘗論罷蚩菜者誰歟今安在是可為朕求之度以戡對度戍以戡為節度使

約以取足境

內諸州負錢至二百萬悉放不收蕃舶之至泊步有下

碇之稅

步水岸渡處碇與碇同

碇丁定切

始至有閒貨之燕犀珠

磊落賄及僕隸公皆罷之

賄或作財

絕海之商有死于吾地

者官藏其貨滿三月無妻子之請者盡沒有之

沒下或無有字

公曰海道以年計往復何月之拘苟有驗者悉推與之

無筭遠近厚守牢俸而嚴其法嶺南以口為貨其荒阻

處父子相縛為奴公一禁之

縛或作傳或無公一禁之四字

有隨公吏

吏上或得無名兒蓄不言官有訟者公召殺之山谷諸

有之字

黃世自聚為豪觀吏厚薄緩急

觀下或有察字非是自貞元中黃洞諸蠻叛久

平或叛或從容桂二管

容管經略使楊旻桂管觀察使裴行立

利其虜掠

請合兵討之冀一有功有所指取當是時天子以武定

淮西河南北

武定或作定武非是

用事者以破諸黃為類向意助

之類

或作願非是

公屢言遠人急之則惜性命相屯聚為寇緩

之則自相怨恨而散此禽獸耳

恨下或有焉字無而散字或焉字在散字下此

上或有況字或無耳字

但可自計利害不足與論是非天子入先

言遂歛兵江西岳鄂湖南嶺南會容桂之吏以討之被

霧露毒相枕藉死百無一還安南乘勢殺都護李象古

元和十四年十月安南軍亂殺都護李象古

桂將裴行立容將楊旻皆無功

數月自死

月或作日非是

嶺南巋然祠部歲下廣州祭南海廟

廟入海口為州者皆憚之不自奉事常稱疾命從事自

代唯公歲常自行

常自或作自常非是事見本集南海神廟碑云

官吏刻石為

詩美之

詩或作詞

十五年遷尚書吏部侍郎公之北歸不載

南物奴婢之籍不增一人長慶元年改右散騎常侍二

年而為尚書左丞曾祖諱務本滄州東光令祖諱如珪

海州司戶參軍贈尚書工部郎中皇考諱岑父祕書省

著作佐郎贈尚書左僕射公夫人京兆韋氏父种大理

評事有四子長曰溫質四門博士遵孺遵憲溫裕

下溫或作

遵方云作溫與傳合蓋晚年皆從溫世系表云四子皆從溫非也今按上文長子已名溫質則非晚年從溫

也豈以嫡庶為異耶然非要切不必強解皆明經女子長嫁中書舍人平陽

路隋其季者幼公之昆弟五人載戡戡戰音衛公於次為

第二公之薨戡自湖南入為少府監

長慶元年正月戡自湖南觀察又為

少府監其年八月甲申戡與公子葬公于河南河陰廣武

原

河陰縣名屬河南

先公僕射墓之左銘曰

孔世卅八

卅或作三十者非

今按卅依字當作卅蕪合切

吾見

其孫白而長身

白或作自非是

寡笑與言其尚類也

或作耶

莫與

之倫德則多有請考于文

故江南西道觀察使贈左散騎常侍太原王公

墓誌銘

或有中大夫洪州刺史兼御史中丞十二字 王弘仲嘗為連州司戶公為連

之陽山令嘗為作燕喜亭記後為江南西道觀察使公時刺袁州又為作滕王閣記至是銘其墓又為神道碑然則公於弘中可謂厚矣邵氏聞見錄曰孔子作經使後世讀易者如無春秋讀書者如無詩其法固不知也獨韓退之作王仲舒碑又作誌蘇子瞻作司馬君實行狀又作碑其事同其詞各異庶幾知之矣碑見二十一卷

公諱仲舒字弘中

并州祈人

少孤奉其母居江南游學有名

貞元十年以賢良方正拜左拾遺改右補闕禮部考功

吏部三員外郎貶連州司戶參軍改夔州司馬佐江陵

使改祠部員外郎復除吏部員外郎

或無復字吏部員外下或無郎字

遷職方郎中知制誥出為峽州刺史

峽州說已見前

遷廬州未

至丁母憂服闋改夔州蘇州刺史

闋或作缺改或作除

徵拜中書

舍人既至謂人曰吾老不樂與少年治文書

樂或作宜文書下或

有事得一道有地六七郡為之三年貧可富亂可治身

安功立無愧於國家可也日日語人丞相聞問語驗即

除江南西道觀察使兼御史中丞至則奏罷擁酒錢九

千萬以其利與民

千或作十與民或作丐貧民方云諸本以後語誤入釀戶非盡貧民今

按丐貧民一語下文已有不應再出方本是也但其說非是除酒擁蓋與民共之使得自釀非直以錢九千萬與釀

戶也

又罷軍吏官債五十萬悉焚簿文書

或無文字

又出庫

錢二十萬以丐貧民遭旱不能供稅者禁浮屠及老子

為僧道士

禁或作學屠老子字此

今按作學非是但下文自有浮不應重出且其文理亦不明白

疑此自浮至為六字亦是衍文去之則文理通暢矣但無本可證不敢刪耳

不得於吾界內

因山野立浮屠老子像

界下或無內字山或作出立或作去皆非是

以其誑

丐漁利奪編人之產

其字疑衍編或作經今按以民為人蓋避諱當作民乃是下求人

利害與人史約故此

在官四年數其蓄積錢餘於庫米餘於廩朝

廷選公卿於外將徵以為左丞

或無以字

吏部已用薛尚書

代之矣

長慶三年十一月以尚書左丞薛放代仲舒鎮江西

長慶三年十一月十

七日未命而薨年六十二天子為之罷朝贈左散騎常

侍遠近相弔以四年二月某日葬于河南某縣先塋之

側公之為拾遺朝退天子謂宰相曰第幾人非王某邪

是時公方與陽城更䟽論裴延齡詐妄士大夫重之為

考功吏部郎也下莫敢有欺犯之者非其人雖與同列

未嘗比數收拾故遭讒而貶在制誥

在或作及知二字

盡力直

友人之屈

友人蓋楊憑憑尹京兆日御史中丞李夷簡劾憑江西姦賊貶臨賀尉云屈一作寃

不

以權臣為意又被讒而出元和初婺州大旱人餓死戶

口亡十七八

或無口字

公居五年完富如初按劾羣吏奏其

賊罪州部清整加賜金紫其在蘇州治稱第一公所至

輒先求人利害廢置所宜

利或作之李云古本無利字神道碑周知俗之病亦無利

字今按下文云廢置所宜則此句閉閣草奏又具為

合有利字古本偶皆脫漏不足為據

科條與人吏約事備下或有老字或有複出事字按文勢疑當有老字在備字上

今

一旦張下民無不抃叫喜悅或初若小煩旬歲皆稱其

便公所為文章無世俗氣其所樹立殆不可學曾祖諱

玄暕比部員外郎

或無諱字下同

祖諱景肅丹陽太守考諱政

或作某

襄鄧等州防禦使鄂州採訪使贈工部尚書

工或作吏

公先妣渤海李氏贈渤海郡太君

或無太字

公娶其舅女有

子男七人初哲貞弘泰復洄初進士及第哲文學俱善

其餘幼也長女壻劉仁師高陵令次女壻李行脩尚書

刑部員外郎

脩或作循或無郎字

銘曰

氣銳而堅又剛以嚴哲人之常

又或作文哲或作若皆非是

愛人盡

已不倦以止乃吏之方與其友處順若婦女何德之光

墓之有石我最其迹萬世之藏

之有或作中之最或作撮或作載方云集韻最

撮之省文今按方說非也史漢功臣傳末總計其功皆以最字起之

殿中少監馬君墓誌

或有銘字

君諱繼祖

繼祖始生德宗賜名退而笑曰是司徒贈太有二義謂之索繫組事見國史補

司徒贈太

師北平莊武王之孫

北平王馬燧也

少府監贈太子少傅諱暢

之子

燧二子肅暢暢娶盧氏生二子長教次繼祖

生四歲以門功拜太子舍

人積三十四年五轉而至殿中少監年三十七以卒有

男八人女二人始余初冠應進士貢在京師

貢一作舉

窮不

自存

不下或以有能字

以故人稚弟拜北平王於馬前

貞元三年平涼之盟

馬燧預議韓奔時以殿中侍御史為判官死焉其年罷燧兵奉朝請京師奔公之兄也

王問而憐

之因得見於安邑里第王軫其寒飢賜食與衣

食上方無賜字

今按無賜字即不成文方說非是食衣並讀如字

召二子使為之主其季遇我

特厚少府監贈太子少傅者也姆抱幼子立側儀禮姆

衣在其右注姆婦人年五十無子出而不復嫁能以婦道教人者若今時乳母矣姆莫捕切又莫豆切眉

眼如畫髮漆黑肌肉玉雪可念殿中君也方云畫胡麥切左思嬌女

詩眉目璨如畫今按畫當音胡卦切左詩叶韻故尔

髮下或有如字非是念或作憐妬記云王丞相於青蹊

臺中觀有兩三兒騎羊皆端正可

念黃魯直亦嘗用玉雪可念語當是時見王於北亭

猶高山深林鉅谷或無鉅谷二字龍虎變化不測傑魁人也退

見少傅翠竹碧梧碧或蒼作蒼鸞鵠傳峙能守其業者也業或作恭

非是幼子姁好靜秀瑤環瑜珥蘭茁其芽茁鄒滑切稱

其家兒也後四五年吾成進士

公貞元八年登第

去而東游哭

北平王於客舍

十一年五月公東歸河陽八月燧卒

後十五六年吾為尚

書都官郎分司東都而分府少傅卒哭之

分府此見雷時分司官之

稱號或無此二字非是元和五年

又十餘年至今哭

少監焉

長慶初繼祖卒

嗚呼吾未耄老自始至今未四十年而


哭其祖子孫三世于世何如也

句末六字疑衍人欲久不死

而觀居此世者何也

李本云晁以道乙居字今按此篇末兩三句不可曉疑而字當作

亦而何下當有如字蓋誤寫著上文也然無別本可證姑闕以俟知者



東雅堂昌黎集註卷三十三

欽定四庫全書

集部

東雅堂昌黎集註卷三十四至

七

詳校官通政使_臣夢吉

檢討_臣何思鈞覆勘

總校官檢討_臣何思鈞

校對官編修_臣勵守謙

謄錄監生_臣張尚綱

欽定四庫全書

東雅堂昌黎集註卷三十四

碑誌

南陽樊紹述墓誌銘

歐陽文忠公云退之與樊紹述作銘便似樊文誠不

虛語據宗師元和九年尚為前太子舍人未使南方也見公與鄭相公書元和十二年因

在京師未出刺絳州也見示郊詩及薦狀自絳還朝當在長康初年序不載其卒之年月

或法不
必載邪

樊紹述既卒且葬

紹述河中人

愈將銘之從其家求書得書

號魁紀公者三十卷曰樊子者又三十卷春秋集傳十

五卷表牋狀策書序傳記紀誌說論今文讚銘凡二百

九十一篇

誌上或無紀字

道路所遇及器物門里雜銘二百二

十賦十詩七百一十九

二十或作又十今以藝文志考之皆有其目獨銘賦詩亡焉所

謂表牋狀策等文凡二百九十一篇曰樊宗師集二百九十一卷數同而以卷為篇疑誌之字誤也

曰多矣哉古未嘗有也然而必出於己不襲蹈前人一

言一句又何其難也

國史補云元和之後文章則學奇於韓愈學溢於樊宗師退之作樊

墓誌稱其為文不剽襲觀絳守居園池記誠然亦大奇遊矣本朝王晟劉忱皆為之注解如瑤翻碧歛鬼眼傾

耳等語皆前人所未道也歐陽公跋絳守居園池記云
元和文章之盛極矣其奇怪至於如此又詩曰嘗聞紹
述絳守居偶來登覽周四隅異哉樊子怪可吁心欲獨
去無古初窮荒探幽入無有一語詰曲百盤紆執云已
出不剩襲句斷欲必出入仁義其富若生蓄萬物必具
學盤庚書云云

海舍地負放恣橫從

子容切

無所統紀然而不煩於繩削

而自合也嗚呼紹述於斯術其可謂至於斯極者矣生

而其家貴富長而不有其藏一錢

長而或作而長

妻子告不足

顧且笑曰我道蓋是也

蓋下疑有如字

皆應曰然無不意滿嘗

以金部郎中告哀南方

或無嘗字元和十五年正月憲宗崩宗師以金部郎中告哀南

方還言某師不治罷之以此出為綿州刺史

師或作帥方無出字

以下文又出觀之宜有

一年徵拜左司郎中又出刺絳州

或無刺字綿

絳之人至今皆曰於我有德以為諫議大夫命且下遂

病以卒年若干

病以或作以病

紹述諱宗師父諱澤嘗帥襄陽

江陵官至右僕射贈某官

興元元年正月樊澤為山南東道節度使貞元二年閏五

月徙鎮荆南八年二月自荆南復為山南東道節度使十二年加檢校右僕射十四年九月卒于鎮贈司空

祖某官諱泳

泳試大理評事累贈兵部尚書

自祖及紹述三世皆以軍

謀堪將帥策上第以進

開元中泳舉草澤科建中元年澤舉賢良方正直言極諫科元

和三年四月宗師舉軍謀宏遠堪任將帥科

紹述無所不學於辭於聲天得

也

得下或有地字或出字皆非是

在衆若無能者嘗與觀樂問曰何

如曰後當然已而果然

後上或有某字非是

銘曰

惟古於詞必已出降而不能乃剽賊

或作脫

後皆指前公

相襲從漢迄今用一律寥寥久哉莫覺屬

覺或作學非是

神徂

聖伏道絕塞既極乃通發紹述文從字順各識職有欲

求之此其躅

中大夫陝府左司馬李公墓誌銘

邢七子洪其一也即公之

堦新舊史有傳可考故誌
云漢韓氏堦也故子為銘

公諱邦

薄經切

字某雍王繪之後

繪或作會新舊史作繪太祖景皇帝之第五子

也為隋夏州總管雍於衆切

王孫道明唐初以屬封淮陽王又追王

其祖父

追王之王字音旺

曰雍王長平王

下或有長平生淮陽五字繪子贊贊子道

玄武德元年六月封道玄淮陽王追封繪曰雍贊為河南王

淮陽生景融

生一作王景融

親益踈不王生務該務該生思一思一生岌

魚及切

比四

世官不過縣令州佐然益讀書為行為士大夫家岌為

蜀州晉原尉

原或作康

生公未晬以卒

子生一歲曰晬說文周年也

無家

母抱置之姑氏以去姑憐而食之

食音嗣

至五六歲自問

知本末因不復與羣兒戲常默默獨處曰吾獨無父母
不力學問自立不名為人年十四五能闇記論語尚書

毛詩左氏文選凡百餘萬言凜然殊異姑氏子弟莫敢

為敵浸傳之聞諸父

敵或作嬌非是之聞或作聞之

諸父泣曰吾兄尚

有子耶迎歸而坐問之應對橫從無難

從子容切去聲

諸父悲

喜顧語羣子弟曰吾為汝得師

語或作謂或無曰字無吾字

於是縱

學無不觀以朝邑員外尉選魯公真卿第其所試文上

等

文下或有為字試書判拔萃為上等

擢為同官正尉曰文如李尉乃可

望此其後比以書判拔萃

或無此字

選為萬年尉為華州錄

事參軍爭事於刺史去官為陸渾令河南尹鄭餘慶薦

之朝

元和十年十月鄭餘慶為河南尹

拜南鄭令尹家奴以書抵縣請

事公走府出其書投之尹前尹慚其廷中人曰令辱我

令辱我

漢張耳傳李良素貴起慚其從官又表盡還愧其吏公此文與劉昌裔誌皆用此或無複出令

辱我三字

且曰令退遂怨之拾掇三年無所得

或無所字

拜宗正

丞宰相以文理白為資州刺史公喜曰吾將有為也讒

宰相者言之上曰

或無者字非是

是與其故故得用改拜陝府

左司馬

陝號節度使衛中行辟佐其府

公又喜曰是官無所職吾其不

以吏事受責死矣長慶元年正月丙辰以疾卒春秋七

十三

或無正月字而云李本作正月蓋正月十八日也今按是年辛丑歲丙辰非歲名則為日名而在

月下為是方知日辰所直而不以李本補正月字不可曉也

公內外行完潔白奮厲

再成有家士大夫談之夫人博陵崔氏朝邑令友之之

女其曾伯父玄暉有功中宗時

長慶四年六月玄暉為鳳閣侍郎同平章事神

龍元年率羽林兵誅張易之昌宗迎太子監國是為中宗

夫人高明遇子婦有節法

進見侍側肅如也七男三女邠為澄城主簿其嫡潑廊

城令

潑下或為字

放芮城尉漢監察御史

漢字南紀元和七年進士時為監察

御史終於宗正少卿

漣洸潘皆進士

漣字經野洸字正武潘字子及皆登進士第潘大中初為

禮侍簡切洸音无

及公之存內外孫十有五人五月庚申葬

華陰縣東若干里漢韓氏壻也故子與為銘其詞曰

愈下而微既極復飛其自公始公多孫子將復廟祀

或廟

作其

今按唐會要禮官議戶部尚書韋損四代祖所立私廟子孫官卑其祠久廢今損官三品準令合立三

廟此以邠之先嘗有王封而後世官卑不得立廟故云將復廟祀也然唐制亦非古而本廟立法尤踈略唯蘇

魏公嘗議立廟與襲爵之法相為表裏其說為善惜乎當時不施行也

故幽州節度判官贈給事中清河張君墓誌銘

張徹為范陽府監察御史其帥張弘靖也誌不出弘靖姓名若有所諱焉耳徹死于亂具載之史其言多出公誌

張君名徹字某以進士

徹中進士第在元和四年

累官至范陽府監

察御史長慶元年今牛宰相為御史中丞

元或作一考之史當作元

年陳齊之云常疑牛僧孺之為人觀此語則知韓公亦不喜其人矣然牛宰相三字或作今宰相牛公未知孰是奏君名迹中御史選詔即以為御史其府惜不敢留

遣之而密奏幽州將父子繼續不廷選且久今新收臣

又始至

長慶元年二月幽州節度使劉總請去位三月以總為大平軍節度使張弘靖為幽州節度使

代孤怯湏強佐乃濟發半道有詔以君還之仍遷殿中

侍御史加賜朱衣銀魚

仍或作乃

至數日軍亂怨其府從事

盡殺之而囚其帥且相約張御史長者毋侮辱轢感我

事無庸殺置之帥所

轢音厯母一或作無我事下或有無罪二字長慶元年七月幽州軍

亂因節度使張弘靖於薊門館殺判官韋雍張宗元崔仲卿等以微長者不殺置之於薊門館居月餘

聞有中貴人自京師至君謂其帥公無負比土人上使

至可因請見自辨幸得脫免歸

或無見字

即推門求出守者

以告其魁魁與其徒皆駭曰必張御史張御史忠義必

為其帥告此

史下或無張字及無告此二字按告字疑當作言

餘人不如遷之

別館

今按餘人二字疑衍而下文不如遷之別館自為一句蓋述其言如此下文又云即與衆出君乃記其事也但無所考不敢輒刪耳或云餘人字不必去其曰遷之別館蓋言今當如此耳亦通

即與衆

出君

與或作以

君出門罵衆曰汝何敢反前日吳元濟斬東

市昨日李師道斬於軍中同惡者父母妻子皆屠死肉

餒狗鼠鵠鵠

新史書微事大抵出公此誌其所書罵賊語凡削六字改一字筆削固史氏事然而

改餽為飽則不若公語且有來處
此前漢陳餘所謂以肉餽虎也

汝何敢反汝何敢反

行且罵衆畏惡其言不忍聞

畏下或有皆字非是或在畏上則或有之

且虞

生變即擊君以死君抵死口不絕罵衆皆曰義士義士

或收瘞之以俟事聞天子壯之贈給事中其友侯雲長

佐鄆使請於其帥馬僕射

馬總

為之選於軍中得故與君

相知張恭李元實者

恭或作泰

使以幣請之范陽范陽人義

而歸之以聞詔所在給船輦傳歸其家賜錢物以葬長

慶四年四月某日其妻子以君之喪葬于某州某所

四年

方云舊本或作二年或作三年按郭帥馬總也總以二
年秋遷右僕射明年夏召還當作二年或三年也今

按方說雖如此而其所定之本却作四年今
姑从之蓋或喪歸踰年馬既召還乃克葬也君弟復亦

進士元和元年復中進士佐汴宋得疾變易喪心驚惑不常君得

閒即自視衣褥薄厚褥或作衾節時其飲食而而七飭進養之

或無養字今按養字去聲禮曰以其飲食忠養之禁其家無敢高語出聲醫餌

之藥其物多空青雄黃空青山出銅處銅精熏則生空青腹中空如楊梅者勝雄黃出

武都山塊方數寸諸奇怪物劑錢至十數萬營治勤劇
明徹如難冠者佳

皆自君手不假之人家貧妻子常有飢色祖某其官父

某某官

祖某父某或作祖踐父休

妻韓氏禮部郎中某之孫汴州開

封尉某之女於余為叔父孫女君常從余學選於諸生而嫁與之孝順祇修羣女效其所為男若干人曰某女

子曰某銘曰

嗚呼徹也世慕顧以行子揭揭也噎暗以為生子獨割也為彼不清作玉雪也仁義以為兵用不缺折也

或作缺折

折知死不失名得猛厲也自申于闇明莫之奪也

闇明當作

見明闇說下條我銘以貞之不肖者之旦也

旦當割切方本無者字或無之字方

云此銘以徹揭割雪折厲奪咄為韻而行生清兵名闇
貞復自為韻厲音烈闇當讀如諒闇之闇 今按方說
多得之此銘蓋法兔置魚麗等詩隔句用韻耳詩隔句
用韻先儒所未知觀公此銘則既識之矣但闇明三字
乙之則韻自叶而義亦勝若如方說則
難讀闇作鵠韻終不叶而義亦不通也

河南府法曹參軍盧府君夫人苗氏墓誌銘

或無

府苗氏三字或作范
陽盧君夫人苗氏

夫人姓苗氏諱某字其上黨人曾大父襲襲贈禮部尚

書大父殆庶贈太子太師

以宰相世系考之襲襲生殆
庶延嗣殆庶生如蘭晉卿襲

襲殆庶所贈官疑晉
卿仕至宰相而贈也父如蘭仕至太子司議郎汝州司

馬

或作別駕世系表作永王府諮議參軍

夫人年若干嫁河南法曹盧府

君諱貽有文章德行

府君字或複出河南或作范陽

其族世所謂甲乙

者先夫人卒

或作卒先夫人

夫人生能配其賢歿能守其法男

二人於陵渾女三人皆嫁為士妻

夫人長女壻河南侯氏主簿唐充次七公

其季女壻也

貞元十九年四月四日卒於東都敦化里年六

十有九其年七月某日

其年或作其明年七或作八

祔于法曹府君

墓在洛陽龍門山其季女壻昌黎韓愈為之誌

之下或有銘字

或有銘字而無之字又或作為其字其詞曰

赫赫苗宗族茂位尊或毗于王或貳于藩是生夫人是

作殿載穆令聞爰初在家孝友惠純乃及于行克嫺德門

乃及或作享肅其為禮為禮方作禮容今以下裕其

乃克或作光

肅其為禮

句為仁偶之方說非是

裕其

為仁法曹之終諸子實幼熒熒其哀介介其守循道不

違厥聲彌劬

或作既克其家厥問愈劬

三女有從二男知教閭里歎

息母婦思效歲時之嘉嫁者來寧累累外孫

累累或作累累

有

攜有嬰扶牀坐膝嬉戲謹爭既壽而康既備而成不歎

于約不矜于盈伊昔淑哲或圖或書嗟咨夫人孰與為

傳刻銘寘墓以贊碩休

銘或作石寘或作誌書傳休以古韻叶已見溪堂詩

故貝州司法參軍李君墓誌銘

參軍李翱習之之祖習之嘗自

為其皇祖實錄其行治皆如誌所書翱之實錄終曰先祖有美而不知不明也知而不傳不仁也翱欲傳懼文章不足以稱頌道德光耀來世是以頓首欲假辭於執事者亦惟不斥其愚而為之傳焉意翱乞公銘之辭也

貞元十七年九月丁卯

七或作八月下或有一日字

隴西李翱合葬

其皇祖考貝州司法參軍楚金皇祖妣清河崔氏夫人

于汴州開封縣某里

開封縣某里或作陳留縣安豐里後開封字同

昌黎韓愈

紀其世著其德行以識其葬

識或作誌

其世曰

其世或作其詞

由梁

武昭王六世至司空

至或有

司空之後二世為刺史清淵

侯

涼武昭王名嵩字玄感晉安帝時自稱西涼公子翻子寶寶子冲後魏後文時封清淵縣侯卒贈司空

冲嵩曾孫也今云六世恐誤冲子延實都督青州刺史

延實子彬襲祖爵清淵縣侯卒贈齊州刺史子桃枝襲

封由侯至于貝州凡五世

一作六世桃枝玄孫詔議參軍詔子楚金

其德

行曰事其兄如事其父其行不敢有出焉

或無曰字

其夫人

事其姒如事其姑

姒或作姊

其於家不敢有專焉其在貝州

其刺史不悅於民

刺上或無其字据李翔集刺史嚴正晦也

將去官民相率

謹譚手瓦石胥其出擊之

胥或作湏或作需或無其字史記趙世家太后盛氣胥之

入又廉頗傳胥後今註胥猶湏也

刺史匿不敢出州縣吏由別駕已下

不敢禁司法君奮曰是何敢爾

或無何字或無爾字

屬小吏百餘

人持兵仗以出

仗或作杖

立木而署之曰刺史出民有敢觀

者殺之木下民間皆驚相告散去後刺史至加擢任

下加

或有禮字貝州由是大理其葬曰

或作日山谷李謝以古本定與上文其世曰其德行

曰為一例

翱既遷貝州君之喪于貝州殯于開封遂遷夫人

之喪于楚州八月辛亥至于開封壙于丁巳壙于九月

辛酉寔于丁卯

寔或作夕

人謂李氏世家也侯之後五世仕

不遂

一無後字五字

蘊必發其起而大乎四十年而其兄之子

衡

惟慎子五人衡其第二子也貞元七年自常州刺史鎮湖南八年徙鎮江西召為給事中

始至戶

部侍郎君之子四人官又卑翱其孫也有道而甚文固

於是乎在

或無固字甚文字出左傳楚子西曰先又甚文觀翱實錄亦可見其甚文矣魯直詩云習

之實錄葬皇祖斯文如女有正色云云

處士盧君墓誌銘

公前銘盧君夫人茲又銘其子於陵故言愈於處士妹婿

也為其誌且銘云

處士諱於陵其先范陽人父貽為河南法曹參軍河南

尹與人有仇誣仇與賊通收掠取服法曹曰我官司也

我在不可以為是廷爭之以死河南怒命卒梓之

卒或作牽

沒切梓昨法曹爭尤強遂并收法曹竟奏殺仇籍其家而

釋法曹法曹出徑歸卧家念河南勢弗可敗氣憤弗食

歐血卒東都人至今猶道之處士少而孤母夫人憐之

貽娶苗氏太師讀書學文皆不待強教卒以自立在母

晉卿兄如蘭女

夫人側油油翼翼不忍去時歲母夫人既終育幼弟與

歸宗之妹經營勤甚未暇進仕也年三十有六元和二年五月壬辰以疾卒有男十歲曰義女九歲曰孟又有女生處士卒後未名

孟下或無又字

於其年九月乙酉其弟渾

以家有無葬以車一乘於龍門山先人兆愈於處士妹壻也為其誌且銘其後曰

貴兮富兮如其材得何數兮名兮壽兮如其人豈無有兮彼皆逢其臧子獨迎其凶茲命也邪茲命也邪

故太學博士李君墓誌銘

學或作常

太學博士頓丘李于

一本作于

余兄孫女壻也

或無女字

年四十

八

于大曆元年生

長慶三年正月五日卒其月二十六日穿其

妻墓而合葬之在某縣某地子三人皆幼初于以進士

元和十年于中進士第年四十

為鄂岳從事

十一年李道古為鄂岳觀察使辟于為從事

遇

方士柳泌

或作責

從受藥法服之往往下血比四年病益

急乃死

柳泌說已見前乃或作及非是

其法以鉛滿一鼎

一有以物字

按中

為空實以水銀

實以或作以實

蓋封四際燒為丹沙云余不知

服食說自何世起殺人不可計而世慕尚之益至此其

惑也在文書所記及耳聞相傳者不說

或無相字

今直取目

見親與之游而以藥敗者六七公以為世誠工部尚書

歸登殿中御史李虛中刑部尚書李遜遜弟刑部侍郎

建襄陽節度使工部尚書孟簡東川節度御史大夫盧

坦金吾將軍李道古此其人皆有名位世所共識工部

既食水銀得病自說若有燒鐵杖自顛貫其下者

顛或作顛

摧而為火射竅節以出狂痛號呼乞絕其茵席常得水

銀

茵或作相或無常字

發且止唾血十數年以斃殿中疽發其背

死刑部且死謂余曰我為藥誤其季建一旦無病死襄

陽黜為吉州司馬余自袁州還京師襄陽乘舸邀我於

蕭洲屏人曰我得祕藥不可獨不死今遺子一器可用

棗肉為丸服之別一年而病其家人至

其一作有

訊之曰前

所服藥誤方且下之

所服下或有之字

下則平矣病二歲竟卒

盧大夫死時溺出血肉痛不可忍乞死乃死

肉方作害今按古

書肉或作突今淮南子及內經靈樞尚存此體疑此別

本害字乃突之訛而方考之不詳也乃死一作乃絕乃

或作及或無金吾以柳泌得罪食泌藥五十死海上比

死字皆非是

可以為誠者也。斬不死，乃速得死，謂之智，不可也。五

穀三牲鹽醢果蔬，人所常御，人相厚勉，必曰強食。今惑

者皆曰：五穀令人夭，不能無食，當務減節鹽醢以濟百

味。

濟或作齊

豚魚雞三者，古以養老。反曰：是皆殺人，不可食。

一筵之饌，禁忌十常，不食二三，不信常道，而務鬼怪，臨

死乃悔。後之好者，又曰：彼死者皆不得其道也。我則不

然。始病曰：藥動，故病去。藥行，乃不死矣。及且死，又悔。

嗚呼，可哀也已。可哀也已。

孔毅夫雜說云：張籍哭退之詩云：為出二侍女，合彈琵琶。

第白樂天思舊詩云退之服硫黃一病竟不痊退之嘗
譏人不解文字飲而自敗於女妓乎作李博士墓誌戒
人服金石藥而自餌硫黃邪又後山嗟哉行亦云
韓子作誌還自屠白笑未免人復吁正謂此耳

東雅堂昌黎集註卷三十四

欽定四庫全書

東雅堂昌黎集註卷三十五

碑誌

盧渾墓誌銘

渾河南法曹參軍第二子而公妻弟也然有銘無誌焉

前汝父母右汝兄

兄上或有弟字或作後有汝兄渾於陵弟也兄弟惟二人

汝從之

居視汝如生遷汝居兮日月之良

遷汝或作汝達于三字

汝居孔

固兮後無有殃如不信兮視此銘章

此或作於

號州司戶韓府君墓誌銘

韓氏自魏安定桓王茂五世孫為獻素霄

為桂州刺史四子長仲卿為武昌令贈尚書
右僕射次少卿太白云感聚重諾死於節義
次雲卿禮部侍郎公為科斗書後記云叔父
常大歷世文詞獨行中朝即雲卿也季紳卿
涇陽令嘗為揚州錄事參軍太白謂工古文
而能官者公與兄會介仲卿之子也俞弁雲
卿之子也岌紳卿之子也岌為號州司戶故
公誌云桂州君之孫司錄君之子其系明甚
李太白為武昌德政碑亦言桂州君四子名
諱長少皆與此誌合惟唐史世系表乃以桂
州君為有七子無少卿而有晉卿季卿子卿
升卿果何據而然未有公之家世而適誤漏
者也史至是何
以取信後世哉

安定桓王五世孫獻素為桂州長史化行南方

長或作
判考世

系表李太白去思頌公墓誌行狀皆作長史有子四人最季曰紳卿文而能

官嘗為楊州錄事參軍事故宰相崔圓

或無參軍二字上元元年二月

以崔圓為楊州大都督府長史淮南節度使

圓狎愛州民丁某至顧省其家

家大衙會日司錄君趨以前大言曰請舉公過公與小

民狎至至其家害於政

或無複出至字

圓驚謝曰錄事言是圓

實過乃自署罰五十萬錢由是遷涇陽令破豪家水碾

利民田頃凡百萬君諱度桂州君之孫司錄君之子亦

以能官名少而奇壯而強老而通

閣本無而強老以元三字方以為脫

和元年六月十四日卒年五十七

元或作三

娶京兆田氏女

或無女字

男曰家女曰門曰都皆幼

或無曰門二字

初君樂號之土

田山水求掾其州去官猶家之既卒因以其年九月某

日葬州北十里崔長史墓西

葬下或于字

銘曰

凡兆于茲唯其家之材

或作財句未詳當有脫誤

蓋歸有時

四門博士周況妻韓氏墓誌銘

此誌及張徹墓誌皆以俞為開

封尉唐宰相表以俞為開封令亦誤矣

四門博士周況妻韓氏諱好

或有複出好字

尚書禮部郎中諱

雲卿之孫開封尉諱俞之女開封娶趙氏生二女三男

下開封字或作俞俞二女長嫁周
況次嫁張徹三男無競啟餘州來開封卓越豪縱不治

資業喜酒色狗馬趙氏卒十一年而開封亦卒開封從

父弟愈於時為博士

或無弟字舊本皆有
仲卿與開封之父雲卿為兄弟則今按公父

公與開封固
從父兄弟也

乞分教東都生以收其孥於開封界中教

畜之而歸其長女于周氏況

于一作於元和元年況中
進士弟是歲公以好好適

況

況進士家世儒者

或無
況字

曾祖諱延潭州長沙令祖諱

晦常州參軍父諱良甫左驍衛兵曹參軍況立名行人

士譽之韓氏嫁九年生一男一女年二十七以疾卒

或疾

作病

葬長安城南鳳栖原其從父愈於時為中書舍人

下父

方有弟字今按方本非是儀禮喪服篇有族曾祖父者曾祖之兄弟也其子為族祖父其孫為族父其曾孫為族兄弟有從祖祖父者祖父之兄弟也其子為從祖父其孫為從祖兄弟有世父叔父者父之兄弟也其子為從父兄弟今韓公於開封及魏州皆為從父兄弟矣於開封之女則公當為從祖父也此但云從父為脫一祖字方作從父兄弟尤誤今無別本不為銘曰敢歎增祖字且從諸本去弟字

夫失少婦

失或作喪

子失壯母歸咎無處

韓滂墓誌銘

公為袁州日二姪湘滂皆從之滂死於袁州故云權葬宜春郭南一

里宜春袁州也世系表老成二子湘大理丞
滂寶雞丞接誌滂年十九死則未嘗仕也表

復誤
矣

滂韓氏子其先仕魏號安定桓王

王名茂滂九世祖也

滂父老成

厚謹以文為韓氏良子弟未仕而死有二子滂其季也

其祖韓介為人孝友一命率府軍佐以卒二子百川老

成老成為伯父起居舍人某後

或無複出老成字或無某字

起居有

德行言詞為世軌式滂既兄弟二人而率府長子百川

早死無嗣

或無早字

其叔祖愈命滂歸後其祖滂清明遜悌

以敏讀書倍文功力兼人

倍與背同倍文謂背本暗記也周禮注倍文曰諷韓語蓋

本此洪譜以為作文蓋不考此而誤改兼下文復有為文辭字亦不應重複如此也為文詞一旦

奇偉驟長不類舊常吾曰爾得無假之人邪

或無得字無人字

退大喜謂其兄湘曰某達翁且踰年懼無以為見今翁

言乃然可以為賀羣輩來見皆曰滂之大進不唯於文

詞為人亦然

或無文字詞下或有於字

既數月得疾以死年十九矣

死或作卒滂貞元十八年生

吾與妻

公妻高平君盧氏

哭之傷心三日而斂

既斂七日權葬宜春郭南一里

或無一字

嗚呼其可惜也已

也一銘曰

天固生之邪偶自生邪或無字天殺也邪其偶自死邪或無

也莫不歸於死壽何少多歸或作悲銘以送汝其悲奈何

女孥壙銘

公元和十四年以刑部侍郎諫佛骨忤上意出為潮州女孥道死商南層

峰驛瘞之山下其年十一月二十四日移刺

袁州明年九月召為國子祭酒過墓下題詩

驛梁至是發其喪歸葬于

河南之河陽世墓之次云

女孥

女加女書二切

韓愈退之第四女也惠而早死愈之為少

秋官

為少或作少為非是元和十年公為刑部侍郎言佛夷鬼其法亂治

梁武事之卒有侯景之敗

或無武字

可一掃刮絕去不宜使

爛漫

刮或作削

天子謂其言不祥斥之潮州漢南海揭陽之

地

或無漢字其迹切又音竭

愈既行有司以罪人家不可留京師

迫遣之

或無可字

女孥年十二病在席

病或作疾或作在病無席字

既驚

痛與其父訣又興致走道

又一作父

撼頓失食飲節死于商

南層峰驛

層峰或作密

即瘞道南山下五年愈為京兆

下有尹

字始令子弟與其姆易棺衾歸女孥之骨于河南之河

陽韓氏墓葬之

葬上或有而字

女孥死當元和十四年二月二

日和下或有之字其發而歸在長慶三年十月之四日其葬在

十一月之十一日銘曰

汝宗葬于是汝安歸之惟永寧

河南緱氏主簿唐充妻盧氏墓誌銘

公嘗誌盧君夫人苗

氏之墓今誌唐充妻盧氏即苗氏長女也充其長女壻公季女壻也

夫人盧氏諱某蘭陵太守景柔八世孫父貽卒河南法

曹法曹娶上黨苗氏太師晉卿兄女生三女三男

考苗夫人

志當云二男夫人最長法曹卒苗夫人嫁之唐氏充充明經

或無視出充字

宰相休憬曾姪孫出郗氏

今按郗綺戰反俗郗字與郗字相亂今流

俗郗超字多作郗誤也

外王父昂中書舍人夫人年若干嫁唐氏

凡生男與女九人年四十二元和四年正月二十二日

卒其年四月十五日葬河南府河南縣之大石山下銘曰

夫人本宗世族之後率其先猷令德是茂爰歸得家九

子一母

得或作其

婉婉有儀柔靜以和命不侔身茲其奈何

刻銘墓石以告觀者

觀或作親與何叶具才老讀如此

乳母墓銘

舊本作河南縣令韓愈乳母李氏墓乳母且為之銘自公始

乳母李徐州人

李下有氏字

號正真入韓氏乳其兒愈

入或作爲

下或有

家字 愈生朱再周月孤失怙恃

大歷三年公生五歲而公父仲卿卒此云

未再周月孤失怙恃

詳退之祭嫂鄭夫人云我生不辰三歲而孤此言未再周月孤失怙恃是雖入三歲而

未及兩

周也 李憐不忍弃去

李下有氏字

仇保益謹遂老韓氏及

見所乳兒愈舉進士第歷佐汴徐軍

見下有或有其字徐下或有二州字

入朝為御史國子博士尚書都官員外郎河南令娶婦

生二男五女

二或作三

時節慶賀輒率婦孫列拜進壽

節下有或

受字輒上或有愈字

年六十四元和六年三月十八日疾卒

疾或作病

或無疾字或作以疾卒

卒三日葬河南縣北十五里愈率婦孫視

窆封且刻其語于石納諸墓為銘

語或作誌

東雅堂昌黎集註卷三十五

欽定四庫全書

東雅堂昌黎集註卷三十六

雜文

瘞硯銘

銘或作文

隴西李觀元賓始從進士貢在京師

公與元賓皆貞元八年進士也或

貽之硯既四年悲歡窮泰未嘗廢其用凡與之試藝春

官實二年登上第行于褒谷

此下或有間字褒斜地名

役者劉肩誤

墜之地毀焉乃匣歸埋于京師里中昌黎韓愈其友人

也贊且識云

土乎質陶乎成器復其質非生死類全斯用毀不忍棄

斯闕作埋而識之仁之義硯乎硯乎與瓦礫異

毛穎傳

公作此傳當時有非之者張籍書所謂戲詭之言謂亦指此舊史亦從而為之

言曰譏戲不近人情是豈有識者哉柳子厚豈下人者乃獨以為奇既書其後又答楊誨之書云足下所持韓生毛穎傳來僕甚奇其書恐世人非之今作數百言知前聖不必罪俳也云云則文章因自有知音者哉李肇國史謂公此傳其文尤高不下遷史談數亦謂此傳似太史公筆子厚有讀毛穎傳後題見柳集二十一卷

毛穎者中山人也

中山國名今定州

其先明眎

禮記兔眎曰明眎

佐禹治

東方土

句

養萬物有功因封於卯地死為十二神

治方作理

土方作吐屬下句云孔氏周書注曰土能吐生百穀義取此

今按東方卯位此正為下文封於卯地死為十

二神而言也然免與卯皆不屬土與方所引孔說不合又不見其所吐何者可養萬物兼治東方為句語意亦似未足唯參同契云免者吐生先則免乃有吐義然似亦只與下文當吐而生之說相表裏止是自吐其子而無吐養萬物之意未見其必可據也若作治東方土而自為一句但以平水土而言則於語勢無闕而下句養萬物有功為養庶鮮食之義意亦自明故今且从諸本其以十二物為十二神相承已久亦未見所從來并闕之以族

嘗曰吾子孫神明之後不可與物同當吐而生

已而果然

當吐而生見本草

明眎八世孫

蜀本音奴鈞切爾雅免子嬖郭注云

俗呼曰魑魍與魑同論衡曰兔舐毫而孕及其生子从口而出名曰嬖

嬖芳萬切廣雅云魑免子

世傳

當殷時居中山得神仙之術能匿光使物竊姁娥

事見淮南

子騎蟾蜍入月其後代遂隱不仕云居東郭者曰鮑

下者

或有號東郭三字或有號東郭鮑而無曰字說文狡兔銳戰國策作逡音俊

狡而善走與韓

盧爭能盧不及盧怒與宋鵲謀而殺之醢其家

鵲或作狻廣雅

曰韓盧宋鵲犬屬字林狻音鵲宋良犬也

秦始皇時蒙將軍恬

製筆自恬始

南伐

楚次中山將大獵以懼楚

中山在秦東北非伐楚所當次也此固寓言然亦不為無

失召左右庶長與軍尉或無右字非是以連山筮之周禮三易之法夏曰

連得天與人文之兆筮者賀曰今日之獲不角不牙衣

褐之徒缺口而長鬚八竅而趺居夫音獨取其髦簡牘

是資天下其同書秦其遂兼諸侯乎筮詞皆用古韻詩祈父子王之爪牙

靡所止居古牙吾通髮與賁亦然一云崔豹古今注蒙恬造筆以柘木為管鹿毛為柱羊毛為被非免毫也公

豈它有所自邪今按髮資與居書叶今北人語猶謂毛為談公作董生詩各與書漁叶皆可證也遂獵

圍毛氏之族拔其豪或作毫非是下之毫同載穎而歸獻俘于章

臺宮聚其族而加束縛焉秦皇帝使恬賜之湯沐而封

諸管城號曰管城子

或無曰字

日見親寵任事穎為人強記

而便敏自結繩之代以及秦事無不纂錄陰陽卜筮占

相醫方族氏山經地志字書圖畫九流百家天人之書

及至浮圖老子外國之說皆所詳悉又通於當代之務

官府簿書市井貨錢注記惟上所使自秦皇帝

皇上或有始字

及太子扶蘇胡亥丞相斯

相下或有李字

中車府令高

趙高為中車府

令下及國人無不愛重又善隨人意正直邪曲巧拙一

隨其人雖見廢棄終默不洩

雖下或有後字

惟不喜武士然見

請亦時往累拜中書令與上益狎上嘗呼為中書君上

親決事以衡石自程

秦始皇紀天下之事無大小皆決於上上至以衡石量書日夜有程

不中程不得休息
石百二十斤也

雖宮人不得立左右獨頴與執燭者

常侍上休方罷頴與絳人陳玄弘農陶泓及會稽褚先

生友善相推致其出處必偕上召頴三人者不待詔輒

俱往上未嘗怪焉後因進見上將有任使拂拭之因免

冠謝上見其髮禿又所摹畫不能稱上意

摹或作摹

上嘻笑

曰嘻或作喜非是

中書君老而禿不任吾用吾嘗謂君中書君

今不中書邪

君今君或作而

對曰臣所謂盡心者因不復召歸

封邑終於管城其子孫甚多散處中國夷狄皆冒管城

惟居中山者能繼父祖業

太史公曰毛氏有兩族其一姬姓文王之子封於毛所

謂魯衛毛聃者也

左氏傳二十四年富辰之言

戰國時有毛公毛遂

遂趙人平原君之客

獨中山之族不知其本所出子孫最為蕃昌

或無為字

春秋之成見絕於孔子而非其罪及蒙將軍拔中

山之豪

或作毫非是

始皇封諸管城

諸或作之

世遂有名而姬姓

之毛無聞穎始以俘見卒見任使見或秦之滅諸侯穎

與有功賞不酬勞以老見踈秦真少恩哉

下邳侯革華傳

方云閣本無此篇劉龍圖煜云或言此篇不類退之文及得本

校果無趙璘因話錄謂革華傳稱韓文公皆後人所誣是唐人已知其偽然抗本文粹皆錄洪謂始錄於歐公非也

今按此當全篇刪去

遂窮文

予嘗見文宗備問云顓頊高辛時宮中生一子不着完衣宮中號為窮子其後

正月晦死宮中葬之相謂曰今日送却窮子自爾相承送之又唐四時寶鑑云高陽氏子好衣弊食糜正月晦巷死世作糜棄破衣是日祝於巷曰除賁也小宋云退之送窮文進

學解毛穎傳等諸篇皆古人意思未到可以
名家矣然送窮文與揚子雲逐貧賦大率相
類張文潛曰公送窮文蓋出子雲逐貧賦然
文采過逐貧矣晁無咎取公此文於續楚詞
系之曰愈以屢窮不遭時若有物焉為之故
託於鬼譁彼窮我者車船飲食謝而遠之而
窮不可去也則燒車與船延
之上座亦卒歸於正之義焉

元和六年正月乙丑晦主人使奴星

或有複結柳作車
出星字

縛草為船載糗與糧

與或作與糗爾
餌粉養糧糧也

雅云麥也周禮糗
糗去久丘救二

切糧之
良切

牛繫輓下引帆上檣

選萬里連檣牛繫輓下
輓乙革切檣音牆

三

揖窮鬼而告之曰聞子行有日矣

日下或
無矣字鄙人不敢問

所塗竊具船與車備載糗糧

竊或作躬

日吉時良利行四方

子飯一孟子啜一觴攜朋挈儔去故就新駕塵壙風

音霍又廓
郭二音

與電爭先子無底滯之尤我有資送之恩子

等有意於行乎屏息潛聽如聞音聲若嘯若啼若歎若

嚶

音霍號切
歎許勿切

毛髮盡竦肩縮頸疑有而無久乃可

明若有言者曰吾與子居四十年餘子在孩提吾不子

愚子學子耕求官與名惟子是從不變于初門神戶靈

我叱我呵包羞詭隨志不在他子遷南荒熱爍濕蒸我

非其鄉百鬼欺陵太學四年朝齎暮鹽惟我保汝人皆
汝嫌自初及終未始背汝心無異謀口絕行語於何聽
聞云我當去是必夫子信讒有間於予也我鬼非人安

用車船鼻輿臭香

救切 輿許切

糗糒可捐單獨一身誰為朋

儔子苟備知可數已不

已與以同 又與與同

子能盡言可謂聖

知情狀既露敢不迴避

迴或作曲

主人應之曰子以吾為真

不知也邪子之朋儔非六非四

朋儔或作儔朋 六或作三非是

在十去

五滿七除二各有主張私立名字揆手覆羹

結切

轉

喉觸諱凡所以使吾面目可憎

目或作兒

語言無味者皆子

之志也其名曰智窮

名上或有一字

矯矯亢亢惡圓喜方羞為

姦欺不忍害傷其次名曰學窮傲數與名摘抉杳微

扶青

於決切

高挹羣言執神之機又其次曰文窮

曰文上或有名字

不

專一能怪怪奇奇不可時施祇以自嬉又其次曰命窮

影與形殊面醜心妍利居衆後責在人先又其次曰交

窮磨肌戛骨吐心肝企足以待寘我讎冤凡此五鬼

為吾五患飢我寒我興訛造訕能使我迷人莫能間朝

悔其行暮已復然。蠅營狗苟驅去復還。言未畢。五鬼相

與。張眼吐舌跳踉。偃仆抵掌頓脚失笑。相顧徐謂主人

曰。子知我名。凡我所為。驅我令去。小黠大癡。

淮南子人不小學不

大迷不小。慧不大愚。又抱朴子。凡人多以小黠而大愚。洪駒父曰。小黠大癡。三國志自有全文。

人生一

世。其久幾何。吾立子名百世不磨。小人君子。其心不同。

惟乖於時。

惟或作雖非是

乃與天通。攜持琬琰。易一羊皮。飫於

肥甘。慕彼糠粃。天下知子。誰過於子。雖遭斥逐。不忍子

踈。謂予不信。請質詩書主人。於是垂頭喪氣。上手稱謝。

燒車與船延之上座

之或作入公此篇終云延之上座於是段成式作留窮詞近世唐子

西作留窮詩二者皆祖公之意而為之然成式後又作送窮辭焉

鯉魚文

鯉或作鰓未居靖公秀水間居錄云鯉魚之狀龍吻虎爪蟹目鰓鱗尾長數尺

未大如箕芒刺成鈎仍有膠粘多於水濱潛伏人畜近以尾擊取蓋猶象之任鼻也新舊傳皆載公此文初公至潮問民疾苦皆曰惡谿有鯉魚食民產且盡數日公令其屬秦濟以一羊一豚投谿水而祝之其夕有暴風震雷起湫水中數日水盡涸西徙六十里自是潮州無鯉魚患潮州廟記所謂能馴鯉魚之暴者此也歐陽文忠作陳文忠公神道碑書公通判潮州惡谿鯉魚不可近公命捕得鳴鼓于市告以文而戮之其患并息潮人歎曰

昔韓公諭鯪而曉今公戮鯪而懼所為雖異其使異物醜類革化而利人一也吾潮間三

百年而得二公幸矣

維年月日

或作維元和十四年四月二十四日

潮州刺史韓愈使軍事衙

推秦濟以羊一豬一投惡谿之潭水以與鯪魚食而告

之曰昔先王既有天下列山澤罔繩擗刃以除蟲蛇惡

物為民害者

列新書作邈方云音力制切遮道也罔或作網或作網方云莊子擗驚言刺也字从

手之外或無之字驅而出之四海之外及後王德薄不能遠有

或無後二字則江漢之間尚皆棄之以與蠻夷楚越或無況

潮嶺海之間去京師萬里或

潮或作湖而無海字或作嶺海而併無湖字今

按此言潮州乃嶺海之間去京師遠也但公於湖鱣魚州亦有祭太湖神文則只作湖嶺亦通更詳之

之涵淹卵育於此亦固其所今天子嗣唐位神聖慈武

今字闕本在子下非是四海之外六合之內皆撫而有之況禹跡

所揜揚州之近地刺史縣令之所治出貢賦以供天地

宗廟百神之祀之壤者哉鱣魚其不可與刺史雜處此

土也刺史受天子命守此土治此民而鱣魚睥然不安

谿潭

睥然方云左氏睥其目睥目出貌安上或有下字不或作而或無處字今按此恐有脫誤疑當云

睥然不去據溪潭食民畜云
睥乃是更詳之 睥何版切
據處食民畜熊豕鹿麋以

肥其身以種其子孫與刺史亢拒爭為長雄
亢拒或無

漢薛宣傳上黨 刺史雖駑弱亦安肯為鯉魚低首下心
少豪俊易長雄

或作身或作中云洪謂中身也禮曰文子其中退然國

語余左執鬼中注身也 今按二本皆通然意新史作
心為近

故从之 心 心 覲 覲
方云或校作晚晚窮視兒莊子晚晚

然在微經之中 今按恐當作
晚為是 心 患 枕 切 晚 胡 典 切
邪也 且承天子命以來為吏固其勢不得不與鯉魚

辨鯉魚有知其聽刺史言
或無 潮之州大海在其南鯨

鵬之大蝦蟹之細無不容歸以生以食鱷魚朝發而夕至也今與鱷魚約盡三日其率醜類南徙于海以避天子之命吏三日不能至五日五日不能至七日七日不能是終不肯徙也是不有刺史聽從其言也不然則是鱷魚冥頑不靈刺史雖有言不聞不知也夫傲天子之命吏不聽其言不徙以避之與冥頑不靈而為民物害者皆可殺與冥或無冥字而為或無而字刺史則選材技吏民或無吏字操強弓毒矢以與鱷魚從事必盡殺乃止其無悔

東雅堂昌黎集註卷三十六